

觀音靈感近聞錄

第七編

觀音靈感近聞錄

長樂黃葆真



何子培居士集經諸註精華之所註

觀世音菩薩普門品旁解

附心經 大悲咒 白衣咒 靈感錄

卷首附五精彩印慈悲觀世音菩薩像一幀

經文

特號仿宋字排

旁解

四號仿宋字排

版式

本裝四開連史紙印

定價

每冊八角

佛於法華會上。因無盡意菩薩之間。說此普門一品。稱揚讚歎觀世音菩薩威神功德。使宏經持號者。內離三毒。外離諸障。除苦得樂。祈求如意。乃至應以何身得度者。卽皆現其身而爲說法。靈跡感應。不可思議。故古來諸大德。對於是經靡不竭力宏護。註疏講述。至今不衰。而縑素各界。更多以是品爲每日必修之常課也。子培居士旣註藥師經旁解。頗蒙各界推許。今復取是經。仍依金剛經旁解體例。廣尋諸註。擷取精要。成普門品旁解一書。內容之精審。與上述二經初無伯仲。凡信仰觀音者不可不誦此經。

上海愚園路東
一百五十四號

佛學書局印行

電話三五五二四

輯印觀音靈感近聞錄彙編緣起

周梅泉



戊寅之冬。女婷患血崩症。延滬上著名西醫陸某診治。匝月無效。日見危篤。余謂陸醫曰。余老夫婦膝前承歡者。只此一最小偏憐之女。相依爲命。苟能愈疾。勿問多費。盍延請君素所欽服之他醫。會同診察。庶收廣益集思之效。陸以爲然。數次邀以偕來者。皆滬上錚錚之名輩也。乃不但無效。且現象日見惡劣。一家惶然。醫亦束手。余乃於夜靜時。竭誠跪禱於大士之前。乞求慈悲救苦。如是者僅兩夕。至第三日下午。忽有人間接介紹一女醫王淑貞來。余乍見之。頗不以爲可。蓋王醫曾一度爲余媳接生。余初不知其爲何許人。以爲穩婆看護之流而已。頗忽視之。絕不知其能醫矧此危篤重症。而敢輕使嘗試乎。乃一經詳詢。始知爲吾友王小徐君女公子留美多年。爲婦科國手也。王醫一診之後。卽云。前用諸藥皆不對症。惟某種注射劑。是特效藥。惜半途而止。未竟厥功。此藥十針見効。十六針除根。奈何五針卽止。又更他藥耶。言之娓娓成理。且表示確有把握。一家爲之心安。遂謝絕他醫。由其專診。果然半月。

痊愈。一月康復。菩薩之救苦。其靈速有如此者。或以爲此尋常之事耳。烏足以彰大士之靈感。余曰。不然。此正其不可思議處也。夫使因祈禱之故。而病遂漸痊。則安知非由於醫之應手與藥之對症所致。若以不應手之醫。不對症之藥。因一祈禱之故。而病竟霍然。靈感則靈感矣。不將使世人起世間相違之惑耶。大士慈悲無量。方便多門。遇有人力所絕。不能挽回者。則以不可思議之神力而救度之。遇有世間常理猶可以有爲者。則冥冥中使其機緣宛轉相就而救度之。奚必件件皆現不可思議之象。以驚世駭俗。始爲靈感之徵驗乎。夫以匝月之久。歷試多醫。而藥症不投。危機日迫。經兩夕之祈禱。卽輾轉間接而來一素不信任之醫。竟能妙手回春。沉疴頓起。非暗中有驅使之者。甯有機緣巧合如是者耶。余一家既蒙菩薩慈力庇佑。救苦消災。因思輯印新靈感錄。施贈善信。仰答宏恩。商之佛學書局。乃知其早有觀音靈感近聞錄之輯。已陸續出至第六編。然皆中日戰事以前之靈蹟也。兩年以來。浩劫茫茫。常有死生呼吸之間。賴持名誦咒而得免禍脫難者。就朋輩所傳。已不下二三十件。而佛學半月刊上。尙在陸續披露。將續輯爲第七編。余乃與商。損資百元。託其將

一至七編新舊合訂。爲近聞錄彙編若干冊。吾友余君雨東。亦將其親沐親聞者數條加入。捐資附印。一併施贈。閱此錄者。當知大士與此土衆生有緣。尋聲救苦。廣施無畏。急難之中。苟能發心猛利。呼籲迫切。未有不感應道交。如響斯應者也。余以贈書功德迴向。願慈力加被。使一身脫離病苦。一家脫離病苦。一切世間有情。普皆脫離病苦。

南無大慈大悲救苦救難廣大靈感觀世音菩薩摩訶薩

民國二十八年七月歲次己卯至德周達梅泉甫敬識

(一) 淨土宗初機書籍

印光法師文鈔

二巨冊 一元半

師爲蓮宗泰斗自行化他一以淨土爲歸此其應機之文罄吐誠言辭旨懇側熟讀此書不啻親炙法誨焉

印光法師嘉言錄

李圓淨輯 一冊 四角

此編取法師文鈔中之嘉言要旨分類十門輯爲此錄既便閱又利機

印光法師在家學佛法要

佛學小叢書之一 六分

本書乃印老爲在家弟子說明三皈五戒十善之要語簡而賅足爲人生軌範修已度人此爲法寶

印光法師淨業津梁

六分

關於念佛修行立身涉世事親教子敦倫盡分一一指出

朱壽廷居士著淨土問辨

六分

本書用問答體將修習淨宗各種重要之疑問一一劃析分明文字簡煉意旨精切

蕩益大師輯述 印光法師校

淨土十要

全書五冊 一元六角

此係淨土宗之法寶凡欲研究淨土宗者不可不先讀此書

龍舒淨土文

一冊 三角

本書爲淨土宗之名著十卷一百五十八篇凡發心修淨土宗者不可不家藏一編爲自勵勵人之利器

飭終津梁

一冊 三角

集飭終理論與方法詳明周備念佛同人得此一書臨終有所準備則於往生極樂若操左券焉

李圓淨述淨土篇

八分

本書將淨土四經及古德著述之意述爲語體用闡淨宗科列十門文近萬言絕非參鑿臆說之可比

淨土三要述義

四角

本編將淨宗經論及古德講信願行三法之義提要鉤玄並附古今往生事實以爲徵信照此行持可得驪珠

徑中徑又徑徵義

徐愧庭居士編 三角

此書將張中丞所著節繁增略申緒徵實加以旁註警惕度人其濟世度生功德誠不可以道里計

初機淨業指南

黃涵之居士著 一角

本書用白話詳說淨土法門之要旨生死海中得此指南則於信願念佛求生西方不致走錯路矣

弘一師選寒茄集

一名 蕩益警訓略錄 二角

蕩益大師人天龍象所述法語美不勝收今弘一法師爲便利學人選大師警訓彙爲一編其選剔之精無一字能動

常攝師著西方確指

一角

此書開示法語最爲逗機精警絕倫洵爲菩薩徹底悲心之所示現未見正見者一讀此書如遇導師可獲無邊利益

(二) 籍書機初宗土淨

佛學
小叢書

蓮宗九祖略傳

清釋悟開著 一冊 一角

凡棲心淨土者得此一編可以知從上諸祖修己渡人之要如若廣為贈送發揚光大俾衆周知功德無量

報恩論

沈善登述 二冊 六角半

本書編引淨宗諸經並注解之以證明論義列於卷首闡述淨土綱宗造論五篇雜說十八則詩歌若干章都二萬餘言字字指歸淨土爲初機學人必不可少之書

念佛靈應記

二角四分

本書輯近代念佛而獲靈感者錄之一以堅固念佛人之正念一以啓發未發人之信心誠初之機導引

最後一着

居士著 附五彩彌陀像 四角

書分三節一飭終之平時察驗二從容之臨欲命終三倉卒之臨欲命終言簡意賅文精義豐教人於平時虔持佛號俾收往生之實効

淨業良導

三角

本書集樂邦文類及蓮池紫柏憨山蕩益各集中之合時機者錄數十篇以應初入法門之士印光法師云待其門徑已得然後徧閱全書則知一滴之味與大海之味無二無別

念佛警策

二角

此書爲彭際清居士所輯關於淨土宗最切要之經論以及各大師論說至澈悟爲止多爲警察行人要言

淨土燈歸元鏡

一元二角

李圓淨居士：新式標點分段
本書係明代心融法師將淨土三祖實事演成傳奇以遊戲權巧文字開方便接引法門今李居士用新式標點分段相得益彰

蓮花座

一角二分

楊樹枝居士著：佛學小叢書
此書就淨土宗之理解與修持方法作一系統之敘述學者但依其法一心修持不必旁徵博引他日蓮花座上定必有分

阿彌陀佛聖典

八角

淨土法門爲如來一代時教契機契理法門古往賢聖人人趣向千經萬論處處指歸本書節錄念佛諸義爲彌陀說林章分十門理暢一行可爲修淨業者之一助

省庵勸發菩提心文合編

新價 二角

集蓮宗諸祖念佛法要圓曉法師序云此書出後淨宗又多一廣長舌

往生安樂土法門略說

太虛法師述 一角六分

此書開示學人由信願行而達證之方法與定理並附述中國人在口頭上心頭上的阿彌陀佛以堅信願

西方啓信錄

三角

此書係孫傳祝居士集淨土經論及諸祖語錄以明非臆說序云願見聞者由信發願發願共登不退之階同作西方之眷屬云

觀音靈感近聞錄 第七編

本局承諸方投寄觀音大士靈感記。凡已登佛學半月刊及未登各稿。均彙編爲靈感近聞錄。已出六冊。惟原稿或遠遠事理。或紀述粗疏。恐致人疑。則未敢輒錄。所望投稿諸君。於所遇靈跡之年月地方。及感受者之住址。均詳細記載。俾昭核實。今出第七編。適周梅泉居士捐資助印。並惠稿件。法緣尤勝。至廿七年五月以後半月刊所載。有未遑編入者。概俟彙錄於第八編。衆生無盡。大士之慈悲亦無盡。本編之繼續亦無盡焉。編者誌

△普門品說。或遭怨賊繞。各執刀加害。念彼觀音力。咸卽起慈心。又楞嚴經觀世音耳根圓通節云。能令衆生經過險路。賊不能劫。予蒙大士慈恩。如經所說者。應公諸世人。使未信者令信。以紀大士之恩。予向在稽核機關服務。信佛有年。平日公餘。念佛持咒。未嘗間斷。尤常持大悲神咒。因其靈感如響。實具有不可思議之神力也。二十一年夏間。予調長福建埕邊鹽場。當時共禍方急。興泉一帶盜匪如毛。埕邊場局

設在后港局署四圍曠野。房屋湫隘。隔離稅警隊部。不下里許。設遇不測。絕無抵抗。力有場署公役連貴者。旗產也。貌頗誠實。時在左右。初不知其陰險凶惡也。余在埕約半年。繼調詔浦。行後而連貴因與刺殺稅警某班長案有關。遂陷縲紲。下獄前曾洩其事于某役曰。林稅官在時。我曾至烟廁與匪約。謂每屆月杪。局署來有餉銀千餘元。若來。我爲啓關。當不勞力而獲千餘元。分贓後逃散。但不知匪何故竟不敢來。當時余身家生命。日處於危險之中者。甯思慮所及耶。調任詔浦。不及半年。又奉調蓮河場。赴調時。當二十二年五月間。詔浦場屬閩南東山縣治。由詔浦至蓮河。必經廈門。由東山至廈門。航輪異常播蕩。行旅視爲畏途。而久航是線者。則有捷安小火輪。十餘年來。未嘗發生騎劫之案。向無人注意海盜之事。而詔浦有富商朱保險號。爲東山全縣之唯一殷商。富有資本。可以操縱東山全縣匯兌。當予挈眷起行之時。保險行東朱玉水。與東山鹽商李某。攜現金兩三萬元赴廈。約予同伴。捷安拔錨啓帆。原定夜間十二時。適是日風雨暴至。予因眷屬均係弱小。不禁風浪之苦。有緩行之議。但同行之朱李二君。再三慫恿。適入夜風雨稍殺。至十時方決上輪。行裝甫卸。

卽一心持大悲咒。並念彌陀觀音聖號。縣政府及水上公安局均上輪查驗數次。時屆輪行。數小時後卽安抵廈門而登岸矣。初不知匪徒之在側。處於十分危險中也。捷安抵廈。不久卽返航東山。又復駛來廈門。此次輪抵古雷之時。（約離東山三十海里）卽出事。匪約十人。藏短鎗於鷄鴨翼膀之下。（東山產鷄鴨。每次均有數拾籠之鷄鴨。儼往廈門）古雷橫潮風浪澎湃。最爲險處。匪利用時機。動手搶劫。一面監視司舵司機。一面擁至官艙。鎗脅縣政府解款委員某曰。速將款及鎗繳來。某委員答以無匪。哂曰。爾解款六千幾百元。又有長鎗幾桿。我偵之審矣。何以云無。速繳。遲則殺汝。某委員以變出倉卒。拱手以獻。由是傾箱倒篋。無一幸免。予有同事係詔浦食鹽檢定所所長蔡某者。適附本輪。亦罹其難焉。匪既洗劫輪客。卽迫司舵將輪駛往汕頭。將至汕頭之某處。匪作信號。卽有三艘航船駛近其旁。匪遂盡挈以行。臨行之時。猶造飯飽餐。羣客有相對唏噓若不勝嘆惜者。匪怒曰。爾等怨耶。我亦怨耳。統計爾等全輪不值萬餘金。豈予等所望耶。實告汝。我輩之來意。在於上次之客。實查上次輪運各客。攜有現金四五萬元。又有朱老板李局長林場長等。若獲其一。勝

於爾輩多矣。但不幸我輩下輪之時。不知何故皆頭暈目眩。所以未能舉事。至於本輪。豈饜我等望耶。匪去後。船返東山。遇難者言之甚詳。余友知者。羣相函慰。或有向余賀者。所可怪者。彼輩常作海中生活。固慣於風波者。而所述乃下輪之時。卽頭暈目眩。非佛菩薩慈悲加被。曷克有此耶。憶當時設非持咒與念佛。則吾家吾身吾友。不知何若。而同行之人。又不知有幾人同罹是難也。因累感大士之恩。故亟記之。願有見聞者。悉發菩提心。林湛明記

△乙亥夏五月初九日。南京氣候炎熱。內子劉妙梅（法名昌願）體胖而裏虛弱。素畏暑。是晚露天納涼。臥竹牀受風。十時入寢室。頭痛身痛。夜半週身奇熱如炙。頭部痛尤劇。次日僵臥昏迷。不省人事。醫治罔效。戚友皆危之。余素持大悲真言。爰於寓中佛堂大士前。焚香拜求大悲水。虔誦真言七遍。取水令服之。水甫下喉。週身痛卽減輕。體熱亦漸退。次日卽告痊。大士尋聲救苦。有求必應。至此益深信無疑矣。陳受三記

△同門李智脫眷屬陳氏。皈依印公。法名師常。今春如皋定慧寺開楞嚴法會。舉行

皈依儀式復偕大眾皈依仁公。賜法名志覺。四月二日染肺疾。喉痛不能進食。而身懷孕。至秋月方達分娩之期。智脫心憂甚。恐病軀不測。勢必母子俱損。六月十二日。智源往蘇城謁印公。兼爲智脫求解救之方。蒙老人慈愍。賜大悲咒水兩瓶。并諭示加持觀音聖號。十五日智源返里。以咒水進病者。如說修行。至十九日聖誕午後。腹微痛。約二時許分娩女孩。病者云小兒本難分身。由菩薩爲之拽出。此可見神咒加持之力。與持名之效。信不虛也。又祝王氏亦患肺疾。乳部之上劇痛。服咒水後。忽小解下蟲無數。而乳部之痛頓止。此足徵菩薩靈感之速。誠不可思議。項智源謹誌。

△予外曾祖母姚太夫人。皈依三寶。樂善好施。家祖母胡太夫人。秉承慈訓。少輒信奉。嘗謂予曰。余年既及笄。隨遊天童育王諸名刹。遂有出家之志。顧時已字人。不敢重逆親意。卽私於佛前。然臂香發願云。願至四十後。得長齋事佛。及歸汝家後。以地鄰海濱。肴多水產。食葷既久。遂致見素肴而生厭。有不能下咽者矣。心竊憂之。四十一歲。適汝外曾祖母重朝普陀。余卽隨往。自矢若得親見大士。誓當齋戒皈依。既至普陀。同詣梵音洞。求見金容。外曾祖母初見一鳥飛來。忽現寶殿珠燈。金碧輝煌。中

一金身立佛。旋見左右各添一尊。意者西方三聖乎。蓋外曾祖母嘗募脩大殿故也。余初見一僧倚門立。旋即變爲神廟。戴笠人往來甚衆。余拜求懇禱。大士現身。俄而松柏森森。蔚然成林。中一徑闊尺餘。大士現婦女身。海青與裙皆墨色。項珠及腹行丈許而沒。再觀則深林一片。蒼翠蓊鬱。白衣大士倦臥樹梢。以面目不甚了了。更求示現。則見金漆小桌一張。大士托頰坐其側。三見聖容。踊躍而返。歸卽設佛座於臥室之後。茹素禮誦矣。厥後受五戒於天童。邇年以華嚴法華金剛地藏爲日課。年踰古稀。猶日禮千拜。當荷大士垂佑也。外曾祖母於八十六歲念佛安詳而逝。頂門獨溫。面目如生。時眷屬助念者。蓋數十人云。鄭頌英記。

△鄭雪莊先生者。邑之庠生。誠樸篤厚。以儒而醫。與余時有過從。嘗言昔以纂脩族譜。採訪至普陀。遂往朝大士。初無所覩。卽頂禮祈求。再覩則如易去凡眼。內漸光明。大士狀如童子。自遠而近。卽復入內。又見韋馱天尊。身長丈許。擎杵屹立於洞口。移時乃隱。其或囑我護法乎。先生素沈默寡言。不輕告人。與余頗相契。故言之耳。其言脩養曰。予昔亦嘗爲人略講感應之理。近覺晤談時。心輒對外。不能攝心返照。故年

來不欲有所演說。蓋自問功力淺耳。卽此可知先生脩持之勤。其超於常人者已甚遠矣。同上。

△妙法蓮華經。觀世音菩薩普門品云。若多瞋恚。常念恭敬觀世音菩薩。便得離瞋。又佛說藥師經云。若諸有情。王法所錄。繩縛鞭撻。繫閉牢獄。或當刑戮。及餘無量災難凌辱。悲愁煎逼。身心受苦。若聞我名。以我福德威神力故。皆得解脫一切憂苦。並信而有徵。昭卿原名一聲。蒙皈依師道根法師授名曰永耐。幼承庭訓。壯列戎行。當民國十七年。昭卿充任浙江甌鹽公所鹽巡隊長職。同年七月五日。永康芝英鎮鹽梟嘯聚數百人。拒捕包圍隊伍。搶奪槍械。鹽巡爲正當防衛。奔出重圍。避免危險。計朝天開槍。流彈誤中。死傷二十人。遂致巨案。陷昭卿於獄。法庭失察。竟處昭卿以七個死刑。十三個無期徒刑。經昭卿一再呼籲。旋蒙甌鹽公所所長莊莘墅先生。電稟當道。俾明本案之真相。及各股東諸公奔走援救。復改判爲無期徒刑。最後覆判爲徒刑十二年。始得免於死。然在縲紲之中。輾轉八年於茲矣。昭卿素性愚戇。初下獄時。頓受挫折。胸中抑鬱。積憤難平。瞋恚之氣。時形於色。而發於聲。獄卒輒以昭卿

不守紀律叱責之。民國二十年春。家孀母如蓮優婆夷。特由杭來金華看守所接見。贈佛書多冊。懇勸以學佛勸勉。曰。誠心念佛。日後定有益處。叮嚀咐囑而去。昭卿笑置之。蓋由昭卿少善根。福德因緣。當面錯過。誠哉佛法之難聞也。迨至廿二年夏。移第五監獄執行。獄規更嚴。拘束益甚。煩惱愈增。每於悶極無聊之際。乃將家孀母所贈之佛書作消遣。初讀看破世界。初機淨業指南。龍舒淨土文。佛學導論諸書。始得入佛之途徑。而恍然於三世因果之理。古德云。欲知前世因。今生受者是。欲知後世果。今生作者是。昭卿今生所受之惡果。皆由前世所造之業。因所感。業由自作。報應身受。於天無怨。於人無尤。怨親平等。何有恩仇。當如雲谷大師言。從前種種。譬如昨日死。此後種種。譬如今日生。於是日始。由起信而發願。而行持。專心學佛。自訂晨夕課程。誦經持名。日無間斷。懺悔罪業。回向西方。久之。自覺心境清淨。頓忘身在囹圄。此爲昭卿學佛因緣也。廿三年冬。浙贛鐵路第五段段長邵福宸居士。每於星期二。星期五來監宣講佛法。得使昭卿時親善智識。身沾法雨。復於本年春。由邵居士恭請杭州梵天寺道根法師臨金。順便蒞監說法。昭卿禮師皈依受戒。益自淬勵。精進。

不懈。身在獄中。嘗作閉關觀。作面壁觀。願盡形壽在獄修持。求生極樂。不復想出獄。在娑婆苦矣。道友朱君永徹（是善智識。亦被陷害入獄者。近數月。昭卿得與同監。借助他山。獲益匪淺）嘗謂昭卿曰。三年前見子。暴戾之氣。咄咄逼人。今日見子。虛己斂容。謙光可掬。何前後若二人耶。今子能變化氣質。改造心性。學佛之功也。當知是佛法不可思議。感應亦不可思議。袁了凡先生有曰。惟謙受福。又曰。福有福始。禍有禍先。此心果謙。天必相之。子其勉旃。行將獲福。毋自墮。然余實自處於不知不覺中。如何其能蒙佛力而潛移默化耶。顧自思維。吾儕囚徒。日惟兩餐。夜惟一宿。無福可求。何福可獲。况預計刑期。尚有七年。雖蒙佛恩。加被。期滿出獄。而行將就木。更何有福之可望。獲福云云。殊不之信。不料本年七月。部頒疏通監獄暫行條例。凡受有期徒刑之執行。逾三分之一。而有悛悔之實據者。得許假釋出獄之規定。蒙龔典獄長仁慈悲愍。亦將昭卿列入假釋。聞但依法須取具就地商鋪之保結。始得釋出。奈昭卿異鄉陷溺。舉目無親。將伯徒呼。誰爲援手。眼見同囚多人。能假釋因無具保而不能出釋者。什之五六。昭卿亦惟自怨自艾。前世罪業未消。力求懺悔而已。一日。忽